

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.02.2019թ. թիվ 1909160318 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<13>> 03 2019թ. 17-13 22859-19/4-13 1235 ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վահրամ Քարամյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Երևան քաղաքի Աջափնյակ վարչական շրջանի Լուկաշինի 2-րդ փողոցի 17 տան բնակիչ Վահրամ Քարամյանը դիմումով հայտնել է, որ <<BMW>> մակնիշի 35PP552 հաշվառման համարանիշի ավտոմոբիլը վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար կայացված 26.02.2019թ. թիվ 1909160318 որոշումը՝ նշելով, որ համաձայն չէ իրավախախտման հետ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն Ռոման Հակոբյանը ճանաչվել է որպես խախտումը կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ վարչական բողոքը ենթակա է մերժման՝ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> թիվ 955-Ն որոշման 7-րդ կետի 3-րդ ենթակետի համաձայն՝ **դեղին ազդանշանն արգելում է երթևեկությունը** (բացառությամբ կանոնների 19-րդ կետով նախատեսված դեպքի) և նախազգուշացնում ազդանշանի առաջիկա փոփոխման մասին, իսկ որոշման 7-րդ կետի 5-րդ ենթակետի, **լուսացույցի կարմիր ազդանշանն, այդ թվում նաև՝ թարթող, արգելում է երթևեկությունը:**

Նույն որոշման 18-րդ կետի համաձայն՝ **լուսացույցի (բացի դարձափոխայինից) կամ կարգավորողի արգելող ազդանշանի դեպքում վարորդը պետք է կանգ առնի «Կանգ-գիծ» գծանշման (կամ 6.16՝ «Կանգ-գիծ» նշանի) առջև, իսկ դրա բացակայության դեպքում՝ հատվող երթևեկելի մասի առջև՝** հաշվի առնելով կանոնների 93-րդ կետը, խոչընդոտ չստեղծելով հետիոտների համար, ինչպես նաև այլ վայրերում՝ **լուսացույցի կամ կարգավորողի առջև՝** խոչընդոտ չստեղծելով թույլատրելի ուղղություններով երթևեկող տրանսպորտային միջոցների և հետիոտների համար:

Իրավախախտումն ամրագրած տեսանյութի դանդաղեցված և դրվագային ուսումնասիրությամբ ակնհայտ է դառնում այն փաստը, որ դիմումատուի կողմից 06.02.2019թ. ժամը 11:28-ին Շահումյան – Սեբաստիա փողոցների խաչմերուկի հատվածում <<Կանգ-գիծ>> գծանշումը հատելու պահին միացված է եղել **լուսացույցի կարմիր ազդանշանը:** Այսպես՝ տեսանյութի 11:28:15-րդ վայրկյանին միանում է **լուսացույցի դեղին ազդանշանը,** երբ դիմումատուի տրանսպորտային միջոցը գտնվում էր



<<Կանգ-գիծ>> գծանշումից առաջ, այնուհետև տեսանյութի 11:28:18-րդ վայրկյանին միանում է լուսացույցի կարմիր ազդանշանը, երբ դիմումատուի տրանսպորտային միջոցը շարունակում էր գտնվել <<Կանգ-գիծ>> գծանշումից առաջ: Դիմումատուի տրանսպորտային միջոցը <<Կանգ-գիծ>> գծանշումը հատում է միայն տեսանյութի 11:28:19-րդ վայրկյանին, երբ դեռ շարունակում էր միացված մնալ լուսացույցի կարմիր ազդանշանը:

Վերը նշված փաստերի վերլուծության արդյունքում դիմումատուի կողմից իրավախախտում կատարած լինելու փաստը կասկած չի հարուցում:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի զանցակազմը, հետևաբար նրան վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ռոման Հակոբյանի՝ Ճանապարհային ոստիկանության 26.02.2019թ. թիվ 1909160318 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին՝ Վահրամ Քարամյանի անվամբ կայացնել նոր վարչական ակտ:
3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:
4. Սույն որոշման օրինակն ուղարկել Վահրամ Քարամյանին և ՃՈ ՏՄՀԽԱ կենտրոն:

Կատարող՝ Կ.Սուքիասյան



Ե. Կարամյան